

四庫全書

經部

欽定四庫全書

詩傳大全卷十四

明 胡廣等 撰

桑扈之什二之七

交交桑扈

侯古反

有鶯其羽君子樂

音洛

胥

叶思呂反

受天之祜

侯古反

興也交交飛往來之貌桑扈竊脂也鶯鶯然有文章也君子指諸侯胥語詞祜福也○此亦天子燕諸侯之詩言交交桑扈則有鶯其羽矣君子樂胥則受天

之祐矣頌禱之詞也

慶源輔氏曰四章雖皆頌禱之辭然亦寓期望戒勵之意○安

咸劉氏曰此章及三四章末句皆所謂頌禱之詞也

○交交桑扈有鶯其領君子樂胥萬邦之屏

畢鄧反

興也領頸屏蔽也言其能為小國之藩衛蓋任方伯

連帥

所類反

之職者也

禮記王制千里之外十國以為連連有帥二百一十國以為州

州有伯○臨川王氏曰屏之為物禦外以蔽內也

○之屏之翰

叶胡見反

百辟

音壁

為憲不戢

莊立反

不難

叶乃多反

受

福不那

賦也翰榦也所以當牆兩邊障土者也辟君憲法也  
言其所統之諸侯皆以之為法也戢斂難慎那多也  
不戢戢也不難難也不那那也盖曰豈不斂乎豈不

慎乎其受福豈不多乎

慶源輔氏曰此章又言不獨為萬邦之屏翰其所統之諸

侯又皆以其所為為法則其德亦盛矣方且戢且斂而不敢自恃其難其慎而不敢少忽則其受福又豈不多乎哉百辟為憲有期之之意不戢不難有戒之意○臨川王氏曰戢則不肆不放逸難則不易不傲慢然則受福豈不多也○新

安胡氏曰此亦戒之之詞也  
**古語聲急而然也後**

**放此**

安成劉氏曰苑柳云不尚文王云不顯不時大明韓奕皆云不顯其光生民云不康不寧清廟

云不顯不承以至崧高維天之命  
烈文執競皆言不顯竝放此義

○兕

餘履反

觥

古橫反

其觥

音求

旨酒思柔彼交匪敖

五報反

萬

福來求

賦也兕觥爵也觥角上曲貌

周頌作搃

旨美也思語詞也

敖傲通交際之間無所敖慢則我無事於求福而福

反來求我也

慶源輔氏曰彼交匪敖亦有戒意

桑扈四章章四句

定宇陳氏曰即維周之翰四國于蕃文武吉甫萬邦為憲等語

參之則此為天子燕諸侯而頌禱之詩無疑也

鴛鴦于飛畢之羅之君子萬年福祿宜

叶牛何反

興也鴛鴦匹鳥也

鄭氏曰言其止則相偶飛則為雙性馴偶也

畢小罔長

柄者也羅罔也

孔氏曰謂之畢則執以掩物謂之羅則張以待鳥

君子指天

子也○此諸侯所以答桑扈也鴛鴦于飛則畢之羅

之矣君子萬年則福祿宜之矣亦頌禱之詞也

安成劉氏

曰四章皆為頌禱之詞

○鴛鴦在梁戢其左翼君子萬年宜其遐福

叶筆力反

興也石絕水為梁戢斂也張子曰禽鳥竝棲一正一

倒載其左翼以相依於內舒其右翼以防患於外蓋左不用而右便故也遐遠也久也

○乘

繩證反

馬在廐

音救

摧

采卧反

之秣

音末叶莫佩反

之君子萬年

福祿艾

魚蓋反叶魚肺反

之

興也摧莖秣粟

釋文曰摧莖弱也秣穀飼馬也

艾養也蘇氏曰艾老

也言以福祿終其身也亦通○乘馬在廐則摧之秣

之矣君子萬年則福祿艾之矣

○乘馬在廐秣之摧

叶祖為采卧二反

之君子萬年福祿綏

叶宣

佳土果  
之

二反

興也綏安也

鴛鴦四章章四句

慶源輔氏曰鴛鴦之詩乃下禱上之辭故尤更明易上之禱下

猶且述其德桑扈是也下之禱上則亦無此意但極其頌禱之情而已鴛鴦是也若不敢有擬議其德者敬之至也

有頍

缺婢反

者弁實維伊何爾酒既旨爾殽既嘉

叶居何反

豈

伊異人兄弟匪他

湯何反

薦

鳥音

與女蘿

力多反

施

以豉反

于松

柏

叶述莫反

未見君子憂心弈弈

叶戈灼反

既見君子庶幾說

音悅



懌叶弋  
灼反

賦而興又比也

安成劉氏曰此章諸本皆作賦而比今詳章首六句曰弁曰酒曰敝曰兄

弟皆述宴時之實事其體屬賦而其六句之中實維伊何與豈伊異人語意相應又似興體七句八句則皆屬比類此章當為賦而興人比及考輔氏童子問本正作賦而興又比今從之○慶源輔氏曰首言與宴者其弁類然只是賦體又貼一句實維伊何則以興起下二句豈伊異人兄弟匪他也此則興體至於薦蘿則為比也

類弁貌或曰舉首貌弁皮弁

孔氏曰弁者冠之大名爵弁則

士祭服韋弁即戎冠弁從禽非常服也惟皮弁上下通服故知皮弁也

嘉旨皆美也匪

他非他人也薦寄生也葉似當盧子如覆盆子赤黑

甜美

本草曰一名寓木凡桑柘樹檉柳楊楓等樹上皆有之此物自感造化之氣而生別是一物也

女蘿兔絲也蔓連草上黃赤如金

釋文曰在草曰兔絲在木曰松蘿

此則比也君子兄弟為賓者也弈弈憂心無所薄

泊博

二音也○此亦燕兄弟親戚之詩故言有頍者弁實維

伊何乎爾酒既旨爾殽既嘉則豈伊異人乎乃兄弟而匪他也又言蔦蘿施于木上以比兄弟親戚纏綿依附之意是以未見而憂既見而喜也

○有頍者弁實維何期爾酒既旨爾殽既時豈伊異人

兄弟具來

叶陵之反

薦與女蘿施于松上

叶時亮反

未見君子憂

心忼忼

兵命反叶兵旺反

既見君子庶幾有臧

叶才浪反

賦而興又比也何期猶伊何也時善

慶源輔氏曰以時為善何也蓋

物得其時則善矣興維其時矣之時同

具俱也忼忼憂盛滿也臧善也

○有頍者弁實維在首爾酒既旨爾殽既阜

方九反

豈伊

異人兄弟甥舅

巨九反

如彼雨

于付反

雪先集維霰

蘇薦反

死

喪

去聲

無日無幾

居豈反

相見樂

音洛

酒今夕君子維宴

賦而興又比也阜猶多也甥舅謂母姑姊妹妻族也

爾雅曰謂我舅者我謂之甥母之昆弟為舅母之從父昆弟為從舅妻之父為外舅姑之子為甥舅之子為甥妻之兄弟為甥霰雪之始凝者也將大雨雪必先

微溫雪自上下遇溫氣而搏謂之霰久而寒勝則大

雪矣

孔氏曰大戴禮曾子曰陽之專氣為霰蓋感陰之氣在雨水則凝滯而為雪陽氣搏而脅之不

相入則消散而下因水而為霰言霰集則將雪之候以比老至則將

死之徵也

須溪劉氏曰霰則知有雪矣老則知有死矣相會之始為此危語相感動以極歡趣

耳故卒言死喪無日不能久相見矣但當樂飲以盡

今夕之歡篤親親之意也

豐城朱氏曰推親親之恩由兄弟以及甥舅亦其親

疎之救也蓋君子之於兄弟親戚其相與之情無窮而相見之日有限以無窮之情乘有限之日則其飲食聚會亦真情之所不能已也死喪無日無幾相見此與唐風宛其死矣他人入室辭旨畧同而意則異彼欲及時以自娛樂此欲及時以相親愛也

頍弁三章章十二句

間關車之牽

胡暗下介二反

兮思變

力竟反

季女逝

石列石例二反

兮匪

飢匪渴德音來括雖無好友

叶羽已反

式燕且喜

賦也間關設牽聲也牽車軸頭鐵也無事則脫行則

設之昏禮親迎者乘車變美貌逝往括會也○此燕

樂其新昏之詩故言間關然設此車牽者蓋思彼嬖然之季女故乘此車往而迎之也匪飢也匪渴也望其德音來括而心如飢渴耳雖無他人亦當宴飲以相喜樂也

○依彼平林有集維雝

音驕

辰彼碩女令德來教

叶居反

式

燕且譽好

呼報反

爾無射

音亦叶都故反

興也依茂木貌雝雝也微小於翟走而且鳴其尾長

肉甚美

埤雅曰雝尾六尺字從喬者尾長而走且鳴則其首尾喬如也○孔氏曰語云四足之美

有廬兩足之美有離

辰時碩大也爾即季女也射厭也○依彼

平林則有集維離辰彼碩女則以令德來配已而教

誨之

慶源輔氏曰辰彼碩女令德來教言碩女適及其時而以美德來配已而教誨之也是以

式燕且譽而悅慕之無厭也

○雖無旨酒式飲庶幾雖無嘉穀式食庶幾雖無德與

女

汝音

式歌且舞

賦也旨嘉皆美也女亦指季女也○言我雖無旨酒

嘉穀美德以與女女亦當飲食歌舞以相樂也

○陟彼高岡析

星歷反

其柞

才洛反

薪

叶音襄

析其柞薪其葉

潛

思呂反

兮鮮

息淺反

我覲爾我心寫

叶想羽反

兮

興也陟登柞櫟潛盛鮮少覲見也○陟岡而析薪則

其葉潛兮矣我得見爾則我心寫兮矣

○高山仰

叶石剛反

止景行行

叶戶郎反

止四牡騤騤

孚非反

六轡

如琴覲爾新昏以慰我心

興也仰瞻望也景行大道也如琴謂六轡調和如琴

瑟也慰安也○高山則可仰景行則可行馬服御良



則可以迎季女而慰我心也此又舉其始終而言也

表記曰小雅曰高山仰止景行行止子曰詩之好仁

如此

須溪劉氏曰此二句極思慕之情而好仁者以之此古人善讀詩也

鄉音

道而行

中道而廢

鄭氏曰廢喻力極罷頓不能復行則止也○豐城朱氏曰高山仰止景行行止於六

義屬興而斷章取義則於行道進德之喻尤為切至蓋知高山之可仰則知聖德之可慕矣知景行之可行則知大道之可由矣由聖人之道以求至聖人之所止則所謂至善不外是矣然則仁之不如堯也孝之不如舜也學之不如孔子也猶之陟高山而不至其巔行大道而不達乎國都也是即所謂半途而廢也豈不

忘身之老也不知年數之不足也俛焉日有

惜哉

孳孳斃而後已

慶源輔氏曰表記之言雖非詩之本旨然讀者能如此則能有益於已矣

時過而學者可常常涵泳此數語以自警

### 車牽五章章六句

慶源輔氏曰一章言其望之甚切故得之甚喜也二章言其德

之來教故好之無厭也三章自謙之辭言我雖無以與女而女則宜有以相樂也四章則言我心傾寫與女以見誠之至也五章則舉其始終而言之上四句言其始下四句言其終前已極言之矣故此但言其畧耳○安成劉氏曰此詩皆言慕悅賢女之意故其未得之也望其德音來括而心如飢渴既得之也喜其令德來教而心如輸寫至於宴樂之也又歎為歡之無美具而且恐無德以相與證之關睢亦可謂得性情之正者也

營營青蠅止于樊

音煩叶  
汾乾反

豈弟君子無信讒言

比也營營往來飛聲亂人聽也青蠅穢汚能變白黑

廬陵歐陽氏曰齊詩匪難則鳴蒼蠅之聲蓋其飛聲之衆可以亂聽猶言聚蚊成雷也○鄭氏曰蠅之為

蟲汙白使黑汙黑使白喻佞人變亂善惡也○永嘉陳氏曰青蠅穢物驅之使去而復還以比小人態狀

可惡而又難速也

樊藩也君子謂王也○詩人以王好聽讒

言故以青蠅飛聲比之而戒王以勿聽也

永嘉陳氏曰讒言多

由持心傾險而後入故君子當持心樂易不聽讒言也

○營營青蠅止于棘讒人罔極交亂四國

叶越  
逼反

興也棘所以為藩也極猶已也

○營營青蠅止于榛

王中反

讒人罔極構

古豆反

我二人

興也構合也猶交亂也已與聽者為二人

定字陳氏曰讒人罔

極之禍其末至於亂四國其始先於構二人聽者察於其始而早絕之庶乎不至於罔極也

青蠅三章章四句

安成劉氏曰首章以青蠅與君子對言故知以蠅聲比讒言下

二章以青蠅與讒人對言故知屬興此比興相似而不同者凱風詩亦然

賓之初筵左右秩秩

無韻未詳後三四章放此

籩豆有楚敝

戶交反

核

戶革反

維旅酒既和旨飲酒孔偕

音皆叶舉里反

鍾鼓既設

叶書反

舉醵

市由反

逸逸大侯既抗

叶居郎反

弓矢斯張射夫既同獻

爾發功發彼有的

叶丁藥反

以祈爾爵

賦也初筵初即席也

孔氏曰鋪陳曰筵藉之曰席

左右筵之左右

也

丘氏曰謂筵上左右之人

秩秩有序也楚列貌敝豆實也核籩

實也

鄭氏曰豆實菹醢也籩實桃梅之屬○孔氏曰敝是總名此文敝核與籩豆相對故分之耳其

實敝亦為核

旅陳也和旨調美也孔甚也偕齊一也設宿

設而又遷於下也大射樂人宿縣厥明將射乃遷樂

于下以避射位是也

鄭氏曰鍾鼓於是言既設者將射改縣也○安成劉氏曰大射

儀有樂人宿縣之文蓋將射於學宮先一宿各縣鍾磬鼓鏞於堂下東西北三面鄉射禮則有樂正命遷樂于下之文集傳所引乃魯約大射鄉射禮文以明此鍾鼓既設之義耳射皆用樂者蓋諸侯之射則先行燕禮大夫士之射則先行鄉飲禮故也然此章乃言人君燕射燕在路寢自有常縣之樂謂宿設者先儒以為更舉疇舉所奠之疇爵也

朱子曰按儀禮主人酌賓曰獻賓既

酹主人主人又自飲而獻賓曰疇賓受之奠於席前而不舉至旅而遂舉所奠之爵交錯以柄也

逸

逸往來有序也

安成劉氏曰往來者東西交錯也

大侯君侯也天子

熊侯白質諸侯麋侯赤質大夫布侯畫以虎豹士布

侯畫以鹿豕

鄭氏曰所謂獸侯也燕射則張之熊麋虎豹鹿豕皆正而畫其頭象於正鵠之

處耳君畫一臣畫二陽奇陰耦之數也其畫皆毛物也○廬陵李氏曰言質者以白與赤采其地而後畫布侯者直畫而已

天子侯身一丈其中三分居一白質畫熊

其外則丹地畫以雲氣

安成劉氏曰凡侯有中其身有上下舌獸侯以布為之天

子與圻外諸侯皆用布九幅每幅闊二尺其高一丈八尺九幅之布廣一丈八尺最中一幅即所謂中也中之上下各二幅連中幅其高一丈所謂身也身之上下又各二幅以為舌據侯中之廣一丈八尺以三分之一為正鵠則正鵠當廣六尺此燕射之侯不設正鵠則於正鵠之處以白采其地而畫熊為的又於其側以丹色為質畫雲氣為飾自侯以下其飾皆然

抗張也凡射張侯而不

繫左下網中掩束之

鄉射禮註曰網持舌繩也不繫者事未至也○廬陵李氏曰舌

維持侯者網所以繫之于植者侯  
向堂以西為左掩向東也植音直  
至將射司馬命張

侯弟子脫束遂繫下網也

安成劉氏曰侯有上下左右舌故有左右上下網繩

出於舌外以持舌而繫之也又有  
維以綴侯身侯舌之四角而繫之

大侯張而弓矢亦

張節也射夫既同比

毗至反

其耦也

鄭氏曰比選次其才相近者也○廬

陵李氏曰射每二人相對以決勝負曰耦

射禮選羣臣為三耦

廬陵李氏曰三耦使

大夫士為之若燕射則天子諸侯同一侯三耦

三耦之外其餘各自取匹謂

之衆耦獻猶奏也發發矢也的質也

孔氏曰侯中所射之處為質也

祈求也爵射不中者飲豐上之觶

音寘也

儀禮曰卒射司射命設豐



弟子奉豐升設于西楹之西勝者之弟子洗解升酌奠于豐上不勝者進取解少退立卒解進奠于豐下  
註曰豐形蓋似豆而卑 ○衛武公飲酒悔過而作此詩此章言

因射而飲者初筵禮儀之盛

安成劉氏曰左右有序者儀之盛也籩豆酒殽

陳列者禮之盛也而武公於立言之首特以初筵發之者若將不保其終也

酒既調美而

飲者齊一至於設鍾鼓舉醵爵

安成劉氏曰燕射主於飲酒而於獻酢旅

醵之後司射乃命納射器司馬命張侯樂正命遷樂於是乃射故此言大侯既抗於設鍾鼓舉醵爵之後也

抗大侯張弓矢而衆耦拾

鉗入聲

發

孔氏曰拾更也射者更代發矢

各心競云我以此求爵汝也

○籥舞笙鼓樂既和奏

叶宗五反

烝衎

苦旦反

烈祖以洽百禮

百禮既至有壬有林錫爾純嘏子孫其湛

都南反叶持林反

其

湛曰樂

音洛

各奏爾能

叶奴金反

賓載手仇

音拘叶求其二音

室人入

又

叶由怡二音

酌彼康爵以奏爾時

叶酬時二音

賦也籥舞文舞也烝進衎樂烈業洽合也百禮言其

備也

孔氏曰百禮事神之衆禮也

壬大林盛也言禮之盛大也錫

神錫之也爾主祭者也嘏福湛樂也各奏爾能謂子

孫各酌獻尸尸酢而卒爵也

安成劉氏曰特牲三獻之後長兄弟洗解獻尸

尸飲畢酢之長兄弟受而卒爵少牢下篇三獻之後亦有二人洗解酌獻之禮各奏爾能之義其謂此類

歟 仇讀曰斟

音拘挹取酒也

室人有室中之事者謂佐食也

孔氏曰佐食謂於賓客之中取人令佐主人為尸設饌食之人

又復去聲

也賓手挹酒

室人復酌為加爵也

儀禮特牲曰衆賓長為加爵注曰獻禮既成多之為加也○須

漢劉氏曰入又者更迭再酌也

康安也酒所以安體也或曰康讀曰

抗記曰崇拈康

音圭抗

玉藻注曰崇高也為高拈凡所受圭奠于上焉

此亦謂

拈上之爵也時時祭也蘇氏曰時物也○此言因祭

而飲者始時禮樂之盛如此也

臨川王氏曰先王用酒常以祭祀必有禮

樂有大禮斯有大樂以和之有備樂斯有備禮以成之  
之箛舞笙鼓有備樂也以洽百禮有備禮也○慶源  
輔氏曰毛氏謂箛舞笙鼓者謂兼箛而舞與笙鼓相  
應○長樂劉氏曰言文舞則武舞可見矣言笙鼓則  
八音舉矣因射而飲者飲在射先因祭而飲者飲在  
祭後上二章皆言凡飲之初禮樂之盛如此則必不  
至於亂也○安成劉氏曰此言祭宴禮樂之盛亦蒙  
上章初筵之意然武公因酒過作詩宜於深自懲創  
若大禹惡而絕之也今二章乃皆盛陳飲酒之禮者  
蓋酒非有過也飲者常至於過也飲者之於初筵亦  
未有過也其終既醉則不能無過也公之自悔自成  
亦慎終如始而已豈必廢燕射祭祀之禮而後免於  
酒禍哉

○賓之初筵溫溫其恭其未醉止威儀反反

叶分

曰既

醉止威儀幡幡

叶分反

舍

音捨

其坐遷屢舞僂僂其未醉止

威儀抑抑曰既醉止威儀忸忸

毗必反

是曰既醉不知其

秩

賦也反反顧禮也幡幡輕數

音朔下同

也遷徙屢數也僂

僂軒舉之狀抑抑慎密也

孔氏曰慎密謂慎禮而密盡

忸忸媒

嫚

音慢

也秩常也

○此言凡飲酒者常始乎治而卒乎

亂也

莊子曰以禮飲酒者始乎治常卒乎亂注云治初筵溫溫秩秩之時也亂幡幡忸忸載載

之時也○慶源輔氏曰溫溫其恭威儀反反抑抑始乎治也幡幡忸忸屢遷屢舞終乎亂也纔飲酒稍不

謹必至  
於此

○賓既醉止載號

乎毛反

載嘏

女交反

亂我籩豆屢舞僛僛

起其反

是曰既醉不知其郵

叶于反

側弁之俄屢舞僛僛

素多

反

既醉而出竝受其福

叶筆力反

醉而不出是謂伐德飲酒

孔嘉

叶居何反

維其令儀

叶牛何反

賦也號呼嘏謹也

孔氏曰唱叫也

僛僛傾側之狀郵與尤同

過也側傾也俄傾貌僛僛不止也出去伐害孔甚令

善也○此章極言醉者之狀因言賓醉而出則與主

人俱有美譽醉至若此是害其德也

慶源輔氏曰傲飲比僂僂則甚

矣側弁之俄屢舞僊僊則又甚也不知其郵亦甚於不知其秩

飲酒之所以甚美者

以其有令儀爾今若此則無復有儀矣

眉山蘇氏曰此章申言其

亂而終誨之也

○凡此飲酒或醉或否

叶補美反

既立之監或佐之史彼醉

不臧不醉反恥式勿從謂無俾大

音泰

怠

叶養里反

匪言勿言

匪由勿語由醉之言俾出童羖

音古

三爵不識

叶失志二音

矧

失引反

敢多又

叶夷益夷豉二反

賦也監史司正之屬燕禮鄉射恐有解倦失禮者

音懈

立司正以監之察儀法也

朱子曰鄉飲酒禮鄉射禮皆曰相為司正燕禮曰射

人為司正○東萊呂氏曰淳于髡云賜酒大王之前執法在傍御史在後此言人君燕飲之制猶存於戰國者也或立之監即執法也鄉射注所謂立司正以監察儀法者也或佐之史即御史也董氏所謂佐之史以書

謂告由從也童殺無角之殺羊必無之物也

識記也○言飲酒者或醉或不醉故既立監而佐之以史則彼醉者所為不善而不自知使不醉者反為之羞愧也安得從而告之使勿至於大怠乎告之若



曰所不當言者勿言所不當從者勿語

慶源輔氏曰欲其不至於

昏醉而但告之使勿大怠者何也蓋凡溺於酒者其病根只在一怠字上稍自謹飭者便不至若是漢人謂無事故飲者亦此意也無事則怠矣匪言勿言匪從勿語則應前章號呼謹歟而云也言自言也語與人語也苟不可從則豈可語人哉

醉而妄言則將罰汝使出童殺矣

設言必無之物以恐之也女飲至三爵已昏然無所記矣况敢又多飲乎又丁寧以戒之也

賓之初筵五章章十四句

毛氏序曰衛武公刺幽王也韓氏序曰衛武公

飲酒悔過也今按此詩意與大雅抑戒相類安成

劉氏曰此詩之意欲以自警抑詩之意亦以自警也此詩之意恐醉酒而伐德猶抑詩所謂顛覆厥德荒湛于酒也此詩之意反覆以威儀為言猶抑詩言抑威儀敬慎威儀敬爾威儀不愆于儀也此詩言載號載呶勿言勿語之意猶抑詩言慎爾出話無易由言也以此詩有童殺之語抑詩亦有彼童而角之喻其語意多相類也然抑詩凡言女言爾集傳以為武公使誦詩者命已之詞今按此詩凡言賓言爾者恐亦武公自謂也

必武公自悔之

作當從韓義

鄒陽董氏曰史鴻漸云衛人何其服酒誥之訓世守於無窮也始也

商俗淫酒武王以酒誥戒之幽王之世上下沈溺武公飲酒自悔作賓之初筵見衛人非特一

時聞訓不敢自越於禁防又能以其所以禁防者傳為子孫法焉○安成劉氏曰酒誥言謹酒之意以為父母慶克羞考羞饋祀則皆可用酒乃若反開飲酒之端者亦若武公謹酒而言因射而飲因祭而飲之意也夫酒之為禍內則喪人之德外則喪人威儀謹酒之要亦惟致力於二者而已故此詩言德者一而言威儀者五酒誥言德者八而言威儀者一詳畧可互相備矣武公此詩其真有所得於武王康叔之家法歟

魚在在藻有頌

符云反

其首王在在鎬豈

苦在反

樂音洛飲酒

興也藻水草也頌大首貌豈亦樂也○此天子燕諸

侯而諸侯美天子之詩也言魚何在乎在乎藻也則

有頌其首矣王何在乎在乎鎬京也則豈樂飲酒矣

○魚在在藻有莘

所中反

其尾王在在鎬飲酒樂豈

叶去幾反

興也莘長也

○魚在在藻依于其蒲王在在鎬有那

乃多反

其居

興也那安居處也

慶源輔氏曰此詩與鴛鴦相類辭雖簡而意則切矣不頌其德者德

盛而非言之所能盡亦尊敬之至而不敢加以形容也但美其樂飲安居而已則非盛德其孰能之

魚藻三章章四句

采菽采菽筐

音匡

之筥

音舉

之君子來朝

音潮

何錫予

音與

之雖

無予之路車乘

繩證反馬

叶滿補反

又何予之玄袞

古本反

及黼

音甫

興也菽大豆也君子諸侯也路車金路以賜同姓象

路以賜異姓也

周禮中車曰金路鉤樊纓九就同姓以封象路朱樊纓七就異姓以封注

云金路以金飾諸末鉤婁領之鉤以金為之樊馬大帶也纓馬鞅樊纓皆以五采屬飾之而九成象路以

象飾無鉤以朱飾勒而已其樊纓飾七成樊音盤屬音計

玄袞玄衣而畫以卷

音袞

龍也黼如斧形刺

七亦反

之於裳也

孔氏曰以龍首卷然謂之袞○東萊

呂氏曰玄者衣之色袞畫於衣九章之第一章也黼黻於裳九章之第八章也上公之服

周制諸

公衮冕九章已見九罍篇

鄭氏曰一曰龍二曰山三曰華蟲四曰火五曰宗彝

皆畫六曰藻七曰粉米八曰黼九曰黻皆繡衣五章裳四章

侯伯鷩音

冕七章則

自華蟲以下

鄭氏曰鷩畫以雉謂華蟲也其衣三章裳四章

子男毳

尺銳反

冕

五章衣自宗彝以下而裳黼黻

鄭氏曰毳畫虎雌謂宗彝也其衣三章裳

二孤卿絺知上聲

冕三章則衣粉米而裳黼黻

鄭氏曰絺刺粉

米無畫也衣一章裳二章

大夫玄冕則玄衣黻裳而已

鄭氏曰玄者衣無文

裳刺黻而已是以謂玄焉凡冕服皆玄衣纁裳五服同冕者首飾尊也

○此天子所以

答魚藻也采菽采菽則必以筐筥盛之君子來朝則

必有以錫予之又言今雖無以予之然已有路車乘

馬玄袞及黼之賜矣其言如此者好之無已意猶以

為薄也

永嘉陳氏曰雖無予之者好之之心無已也上公九章其服用袞諸侯豈皆上公而有是

賜哉詩人取其錫予之至厚者爾○豐城朱氏曰子之以車馬所以為之乘予之以袞黼所以為之衣其禮亦已厚矣而猶以為薄者蓋以車馬衣服之賜自先王以來所以懷諸侯者如此吾遵而行之非能有加於常禮之外也則其歎然不自足之意可見矣

○庸

音必

沸

音弗

檻

胡覽反

泉

叶才反

言采其芹

巨斤反

君子來朝

言觀其旂

巨依反叶巨斤反

其旂淠淠

匹弊反

鸞聲嘒嘒

呼惠反

載

驂

七南反

載馬君子所屆

叶居氣反

興也。甃沸泉出貌。檻泉正出也。

孔氏曰：正出涌泉也。三山李氏曰：水泉。

從下上出曰涌泉。

芹水草可食。

埤雅曰：水菜一名水葵。爾雅謂之水葵。

淠淠動

貌。嘒嘒聲也。

臨川王氏曰：嘒嘒言其聲之細無敢馳驅故也。

屆至也。○甃沸

檻泉則言采其芹。諸侯來朝則言觀其旂。見其旂聞其鸞聲，又見其馬，則知君子之至於是也。

○赤芾

音弗

在股邪幅在下。

叶後五反

彼交匪紆。

音舒叶上與反

天子

所予

音與

樂只

音止

君子。天子命

叶彌并反

之樂只。君子福祿



申之

賦也脛本曰股邪幅偃也邪纏於足如今行膝所以

束脛在股下也

孔氏曰膝絨也名行膝者言行而絨束之也○鄭氏曰偃束其脛自足至

膝故曰在下○廬陵彭氏曰陳氏云帶裳幅舄昭其度也幅雖微而有等差之度故併觀之

交交

際也紓緩也○言諸侯服此帶偃見于天子恭敬齊

咨齋二音邈不敢紓緩則為天子所與而申之以福祿也

豐城朱氏曰禮以齊邈為敬彼交匪故則萬福之所求彼交匪紓則天子之所予天子之所予即福祿之

所申也

○維柞之枝其葉蓬蓬樂只君子殿多見反天子之邦叶

樂只君子萬福攸同平平婢延反左右亦是率從

興也柞見車牽篇蓬蓬盛貌殿鎮也孔氏曰軍行在後曰殿取鎮重

之義故曰平平辯治也左右諸侯之臣也率循也○殿鎮也

維柞之枝則其葉蓬蓬然樂只君子則宜殿天子之邦而為萬福之所聚又言其左右之臣亦從之而至  
此也

○汎汎芳餉反楊舟緋音弗纍力馳反維之樂只君子天子葵

之樂只君子福祿

反頻尸

之優哉游哉亦是戾

叶郎反

矣

興也紼緯

音律也

孔氏曰孫炎云紼大索也李巡云所以維持舟者

纒維皆繫

也言以大索纒其舟而繫之也葵揆也揆猶度也

厚戾至也○汎汎楊舟則必以紼纒維之樂只君子

則天子必葵之

慶源輔氏曰天子葵之言天子能葵度諸侯之心而知其底蘊也

福

祿必脆之於是又歎其優游而至於此也

采芣五章章八句

慶源輔氏曰首章之意至矣言其寵錫之厚而心猶以為不足

也二章則言其始來之時見其車旂而喜其至三章則言其始見天子時恭敬齊遯而為天子

之所予四章則言其德足以鎮天子之邦為萬福之所聚而又喜其左右之臣相從而至五章則申言之而又歎其至也優游自適而無勉强不得已之意一有勉强之心則怠矣

駢駢

息營反

角弓翩翩

匹然反

其反

叶分反

矣兄弟昏姻無胥遠

叶於  
圓反矣

興也駢駢弓調和貌角弓以角飾弓也

孔氏曰弓人以六材為弓

謂榦角筋膠絲漆也

翩反貌弓之為物張之則內向而來弛之

則外反而去有似兄弟昏姻親疎遠近之意胥相也

○此刺王不親九族而好讒佞使宗族相怨之詩言

駢駢角弓既翩然而反矣兄弟婚姻則豈可以相遠

哉

廬陵歐陽氏曰弓之為物其體往來詩人以興九族之親王若親之以恩則內附若不以仁恩結之

則亦離叛而去矣

○爾之遠

上同

矣民胥然矣爾之教矣民胥儆矣

賦也爾王也上之所為下必有甚者

廬陵歐陽氏曰王與骨肉如此

則下民亦將儆上之所為也○慶源輔氏曰王位在德元風俗之樞機也故爾遠則民然爾教則民儆其應甚速不可不謹也

遠字承上章而言

○此令兄弟綽綽有裕

預與二音

不令兄弟交相為瘡

同上

賦也令善綽寬裕饒瘡病也○言雖王化之不善然此善兄弟則綽綽有裕而不變彼不善之兄弟則由此而交相病矣蓋指讒已之人而言也

○民之無良相怨一方受爵不讓

叶如羊反

至于已斯亡

賦也一方彼一方也○相怨者各據其一方耳若以責人之心責已愛已之心愛人使彼已之間交見而

無蔽

慶源輔氏曰即大學絜矩之道也

則豈有相怨者哉

臨川王氏曰民喪其

良心不參彼已之曲直則各相怨於一方

况兄弟相怨相讒以取爵位而

不知遜讓終亦必亡而已矣

慶源輔氏曰此章始則詔之以相怨之由終則

戒之以不遜之禍其曉之也切矣○廬陵歐陽氏曰貪爭不已至於亡身也○須溪劉氏曰末句猶云至

于已斯亡也

○老馬反為駒

叶去聲

不顧其後

叶下故反

如食

音嗣

宜餽

於據反

如酌孔取

叶音娶

比也餽飽孔甚也○言其但知讒害人以取爵位而

不知其不勝任如老馬憊

蒲拜反

矣而反自以為駒不

顧其後將有不勝任之患也又如食之已多而宜飽

矣酌之所取亦已甚矣

慶源輔氏曰老馬反為駒不顧其後此必指當時實事而

言蓋時有讒已以取其爵位而不度其已之不勝任者如食宜餽以此其貪黷之無厭如酌孔取以此其

攫取之太甚

○母教猱升木如塗塗附君子有微猷小人與屬

音蜀叶時

遇反

比也猱獼猴也

陸氏曰楚人謂之沐猴老者為猱長臂者為猿

性善升木不

待教而能也塗泥附著微美猷道屬附也○言小  
骨肉之恩本薄王又好讒佞以來之是猶教猱升木



又如於泥塗之上加以泥塗附之也苟王有美道則

小人將反為善以附之不至於如此矣

長樂劉氏曰小人樂於不

善今王又疎薄骨肉以倡之是教獠升木也小人樂於不善而王又益之以不善之教是以塗塗附其堅且相著不可脫矣非所以為上之道也故陳為上之道曰君子有徽猷小人與屬也先王有至德要道民用和睦正其五品為之孝友是之謂徽猷○東萊呂氏曰上之化下速於影響導之以惡既易如此況於有善道以化之小民其有不與屬者乎○新安胡氏曰母教云者中二章爾教之義而禁止之也君子小人以位言○慶源輔氏曰君者民之表上者下之倡民之善惡亦惟其上之所道耳罪不在於民也望於上者切而責於人者恕詩人之情當理矣○安成劉氏曰大學傳曰上老老而民興孝上長長而民興弟

上恤孤而民不倍上有徽猷而下之與屬者其機蓋如此

○雨

于有反

雪漣漣

荷驕反

見覲

乃見反

曰

音越韓詩劉向作聿下章放此

消

莫肯下

遐稼反

遺式居婁

力佳反荀子作婁

驕

比也漣漣盛貌覲日氣也張子曰讒言遇明者當自

止

安成劉氏曰盛雪見日氣則自消正如如此

而王甘信之不肯貶下而

遺棄之更益以長慢也

○雨雪浮浮見覲曰流如蠻如髦

叶莫侯反

我是用憂

比也浮浮猶漣漣也流流而去也蠻南蠻也髦夷髦

也書作髻

孔氏曰髻西夷之別名牧誓曰及庸蜀羌髻微盧彭濮人彼髻此髻音義同

言

其無禮義而相殘賊也

臨川王氏曰髻然有文以相接驩然有恩以相愛中國之

道也中國道盡則如蠻如髻矣是大亂之道也故我是用憂也

角弓八章章四句

安成劉氏曰堯之協和萬邦必以親親為先所係之大如此而其道則唯在於

尊其位重其祿同其好惡此先王所以有常棣伐木頌弁行葦諸詩之深仁厚澤也今若此詩所刺則喪其治國平天下之本矣詩人所以於卒章深致其憂也

有苑

音

者柳不尚息焉上帝甚蹈

戰國策作上天甚神

無自暱焉

俾予靖之後予極焉

比也柳茂木也尚庶幾也上帝指王也蹈當作神言  
威靈可畏也暱近靖安也極求之盡也○王者暴虐  
諸侯不朝而作此詩言彼有蕝然茂盛之柳行路之  
人豈不庶幾欲就止息乎以比人誰不欲朝事王者  
而王甚威神使人畏之而不敢近耳使我朝而事之  
以靖王室後必將極其所欲以求於我蓋諸侯皆不  
朝而已獨至則王必責之無已如齊威王朝周而後

反為所辱也

史記魯仲連曰齊威王朝周居歲餘周烈王崩齊後住周怒於齊曰天崩地坼

天子下席東藩臣田嬰齊後至則斮威王怒曰叱嗟而母婢也卒為天下笑故生則朝之死則叱之誠不忍其或曰興也下章放此慶源輔氏曰前章只是比體以人願息於柳陰以比

人願庇於王者耳若以為興則不尚息焉無自暱焉兩句意思各別

○有菀者柳不尚悵

欺例反

焉上帝甚蹈

見上

無自瘵

例界反叶

子例反焉

戰國策作也

俾予靖之後予邁

叶力制反

焉

比也悵息瘵病也邁過也求之過其分也

有鳥高飛亦傳

音附

于天

叶鐵因反

彼人之心于何其臻曷

予靖之居以凶矜

興也傳臻皆至也彼人斥王也居猶徒然也凶矜遭  
凶禍而可憐也○鳥之高飛極至於天耳彼王之心  
於何所極乎言其貪縱無極求責無已人不知其所  
至也如此則豈予能靖之乎乃徒然自取凶矜耳

菀柳三章章六句

桑扈之什十篇四十三章二百八十二句

詩傳大全卷十四

欽定四庫全書

詩傳大全卷十五

明 胡廣等 撰

都人士之什二之八

彼都人士狐裘黃黃其容不改出言有章行歸于周萬

民所望

叶音亡

賦也都王都也黃黃狐裘色也

孔氏曰狐之黃者多

不改有常

也章文章也周鎬京也○亂離之後人不復見昔日

都邑之盛人物儀容之美而作此詩以歎惜之也

慶源



輔氏曰容則德之符也言則德之發也容言如是則其德可知故為萬民所仰望也或曰先生以此詩為亂離之後所作如此則東遷之後詩也曰厲王流死於彘之後都邑豈能如舊哉何必東遷之後乎故先生但以周為鎬京也

○彼都人士臺笠緇撮

七活反叶

彼君子女綢

直留反

直

如髮

叶方月反

我不見兮我心不說

音悅

賦也臺夫

音扶須也

陸氏曰莎草也

緇撮緇布冠也其

制小僅可撮其髻也

孔氏曰緇布冠制小故言撮若是帛為玄冠則有制度不得言

撮○臨川王氏曰臺笠緇撮在野與衆偕作之服

君子女都人貴家之女也

綢直如髮未詳其義然以四章五章推之亦言其髮

之美耳

廬陵羅氏曰說文綢密也解頤新語其首飾綢直如髮之本然謂不用髮髻為高髻之類

○彼都人士充耳琇

音秀

實彼君子女謂之尹吉我不見

兮我心苑

於粉反

結

叶繳質反

賦也琇美石也以美石為瑱尹吉未詳鄭氏曰吉讀

為姑

其入聲

尹氏姑氏周之昏姻舊姓也人見都人之

女咸謂尹氏姑氏之女言其有禮法也

孔氏曰常武曰王謂尹氏

春秋昭二十三年尹氏立王子朝世為公卿周之舊族也韓奕云為韓姑相攸汾王之孫左傳鄭石癸曰

姑吉人也后稷之元妃也是姑與周室為昏姻也世貴舊姓昏連王室故見都人之女有禮法者謂之尹

吉也李氏曰所謂尹吉猶晉言王謝唐言崔盧也安成劉氏

曰晉之江左王謝唐之山東崔盧皆一時之望族為世所稱也苑猶屈也積也

○彼都人士垂帶而厲叶落蓋反彼君子女卷音權髮如蠆初邁

反我不見兮言從之邁

賦也厲垂帶之貌孔氏曰禮大帶垂三尺卷髮鬢傍短髮不可

斂者曲上卷然以為飾也蠆音釋蟲也尾末捷音虔然

似髮之曲上者釋文曰捷舉也長尾為蠆短尾為蠃邁行也蓋曰是不

可得見也得見則我從之邁矣思之甚也

○匪伊垂之帶則有餘匪伊卷之髮則有旗我不見兮

云何盱

喜俱反

矣

賦也旗揚也盱望也說見何人斯篇○此言士之帶非故垂之也帶自有餘耳女之髮非故卷之也髮自有旗耳言其自然閒美不假脩飾也然不可得而見矣則如何而不望之乎

都人士五章章六句

終朝采綠不盈一朶

弓六反

子髮曲局薄言歸沐

賦也自旦及食時為終朝綠王芻也

爾雅注葦蓐也今呼鷓鴣脚莎

兩手曰朶局卷

音權

也猶言首如飛蓬也

疊山謝氏曰婦人夫不在

不事容飾故伯兮曰  
自伯之東首如飛蓬

○婦人思其君子而言終朝采

綠而不盈一朶者思念之深不專於事也

埤雅曰藍綠皆易得

之物今以憂思貳之故雖終  
朝采掇而不盈一朶一簪也

又念其髮之曲局於是

舍之而歸沐以待其君子之還也

慶源輔氏曰薄言歸沐恐君子之或

歸也好飾者婦人之性

○終朝采藍

盧談反

不盈一襜

尺占反叶都甘反

五日為期六日

不詹

音占叶多甘反

賦也藍染草也

濮氏曰藍可以為靛染青以之靛音奠

衣蔽前謂之襜

即蔽膝也詹與瞻同五日為期去時之約也六日不

詹過期而不見也

長樂劉氏曰既踰於期猶未瞻見也六日不詹未久也尚且望而憂

之又況於遲

久而弗歸耶

○之子于狩

尺救反

言韞

初亮反

其弓

叶姑弘反

之子于釣言綸

之繩

賦也之子謂其君子也理絲曰綸○言君子若歸而欲往狩耶我則為之報其弓欲往釣耶我則為之綸其繩望之切思之深欲無往而不與之俱也

丘氏曰今遠行

從役久而不歸思其如此而不可得也○慶源輔氏曰狩而報弓釣而綸繩本非婦人之事望之切思之深設言其如此以見其欲無往而不與之俱是雖夫婦之正情然使其形於言焉則怨曠甚矣

○其釣維何維魴

音房

及鰔

音叙

叶

維魴

及鰔

薄言觀者

叶掌與反

賦也於其釣而有獲也又將從而觀之亦上章之意

也慶源輔氏曰此章承上章末句而言亦喜幸之詞也

采綠四章章四句

芄芄

蒲東反

黍苗陰雨膏

古報反

之悠悠南行召伯勞

刀報反

之

興也芄芄長大貌悠悠遠行之意○宣王封申伯於謝命召穆公往營城邑故將徒役南行而行者作此言芄芄黍苗則惟陰雨能膏之悠悠南行則唯召伯能勞之也



○我任

音

我輦

力展反

我車

我牛

叶魚其反

我行

既集

蓋云歸

哉

叶將

黎反

賦也任負任者也

孔氏曰

謂器

物人所負持

輦

人輓

音

車也

周禮

鄉師

注曰輦車人輓行所以載任器也止以為著營輦一

斧一斤一鑿一裡一鋤周加二板二築以十五人而

輦○安成劉氏曰我任

牛所以駕大車也

安成劉氏

曰我車我

牛駕牛於重

集成也

營謝之役

既成而歸也

臨川王

氏曰此

章見召伯之

過後夫如此

○我徒

我御

我師

我旅

我行

既集

蓋云歸處

賦也徒步行者御乘車者五百人為旅五旅為師春

秋傳曰君行師從卿行旅從

孔氏曰旅屬於師徒行御車乃是師旅之人別

而言之歷數以類上章也○臨川王氏曰此章見召伯之遇征夫如此

○肅肅謝功召伯營之烈烈征師召伯成之

賦也肅肅嚴正之貌謝邑名申伯所封國也今在鄧

州信陽軍

今河南有鄧州及信陽縣是也

功工役之事也營治也烈

烈威武貌征行也

慶源輔氏曰言其師旅之所以得如是烈烈然威武者皆召伯有以

成之也然則兵豈能自為強弱哉顧上之人所以御之者如何耳

○原隰既平泉流既清召伯有成王心則寧

賦也土治曰平水治曰清○言召伯營謝邑相其原

隰之宜通其水泉之利

疊山謝氏曰疆其土田事畢則原隰平矣治其溝洫事畢

則泉流清矣

此功既成宣王之心則安也

東萊呂氏曰申伯之體勢不重

則無以鎮定南服召穆公身為卿士豈得辭其憂責哉宣王雖深居九重宵旰之慮固未嘗一日忘之也必待召公告厥成功而王心始寧焉此真知職分者也

黍苗五章章四句

此宣王時詩與大雅崧高相表裏

隰桑有阿其葉有難

乃多反

既見君子其樂

音洛下同

如何

興也隰下溼之處宜桑者也

孔氏曰桑宜在隰潤之所隰之近畔宜桑

阿

美貌難盛貌皆言枝葉條垂之狀○此喜見君子之

詩言隰桑有阿則其葉有難矣既見君子則其樂如

何哉詞意大槩與菁莪相類然所謂君子則不知其

何所指矣或曰比也下章放此

安成劉氏曰所謂下章者指二章三章也

所謂比者蓋以隰桑枝葉顏色之美比君子容貌威儀之盛亦與菁莪比意相類

○隰桑有阿其葉有沃

烏酷反叶鬱縛反

既見君子云何不樂

興也沃光澤貌

長樂劉氏曰光潤如膏之沃也

○隰桑有阿其葉有幽

叶於交反

既見君子德音孔膠

音交

興也幽黑色也膠固也

○心乎愛

叶許既反

矣遐不謂矣中心藏之何日忘之

賦也遐與何同表記作瑕鄭氏註曰瑕之言胡也謂

猶告也○言我中心誠愛君子既而見之則何不遂

以告之而但中心藏之將使何日而忘之邪

丘氏曰詩人自

道其愛賢之意如此○臨川王氏曰所謂盛德至善不能忘也

楚辭所謂思公子兮

未敢言意蓋如此愛之根於中者深故發之遲而存之久也

隰桑四章章四句

白華

音花管音姦

兮白茅束兮之子之遠俾我獨兮

比也白華野菅也已漚為菅

孔氏曰漚之柔韌異其名謂之為菅因謂在野

未漚者為野菅耳

之子斥幽王也俾使也我申后自我也○

幽王娶申女以為后又得褒姒而黜申后故申后作此詩言白華為菅則白茅為束二物至微猶必相須

為用何之子之遠而俾我獨耶

朱子曰讀詩之法且如此章蓋言白華與

茅尚能相依而我與子乃相去之遠何哉

○英英白雲露彼菅茅

叶莫侯反

天步艱難之子不猶

比也英英輕明之貌白雲水上輕清之氣當夜而上

騰者也露即其散而下降者也

永嘉陳氏曰雲為質而露為澤

步行

也天步猶言時運也猶圖也或曰猶如也○言雲之

澤物無微不被今時運艱難而之子不圖不如白雲

之露菅茅也

張子曰英英白雲且均露及菅茅何天步艱難而之子不若是乎

○漉

符漉反

池北流浸彼稻田

叶地因反

嘯歌傷懷念彼碩人

比也漉流貌北流豐鎬之間水多北流碩人尊大之

稱亦謂幽王也○言小水微流尚能浸灌王之尊大

而反不能通其寵澤所以使我嘯歌傷懷而念之也

疊山謝氏曰嘯歌傷懷所謂長歌之哀過於慟哭也

○樵

徂焦反

彼桑薪印

五網反

烘

火東反

于燬

市林反

維彼碩人

實勞我心

比也樵采也桑薪薪之善者也印我烘燎也燬無釜



之竈可燎而不可烹飪者也

孔氏曰無釜之竈其上燃火謂之烘本為此竈

止以燃火照物若今火爐也

○桑薪宜以烹飪而但為燎燭以比

嫡后之尊而反見卑賤也

○鼓鐘于宮聲聞

音問

于外念子懔懔

七到反

視我邁邁

比也懔懔憂貌邁邁不顧也○鼓鐘于宮則聲聞于

外矣念子懔懔而反視我邁邁何哉

程子曰此章自傷其誠意之不

能動王也懔懔然憂戚而曾不能感動視我邁邁而去

○有鶯

音秋

在梁有鶴在林維彼碩人實勞我心

比也鴛禿鴛也

埤雅曰一名扶老狀如鶴而大長頸赤目頸高八尺

梁魚梁也

○蘇氏曰鴛鶴皆以魚為食然鶴之於鴛清濁則有間矣今鴛在梁而鶴在林鴛則飽而鶴則飢矣幽王進褒姒而黜申后譬之養鴛而棄鶴也

○鴛鴦在梁戢其左翼之子無良二三其德

比也戢其左翼言不失其常也

安成劉氏曰戢其左翼以相依於內舒其

右翼以防患於外此禽鳥匹偶竝棲之常也

良善也二三其德則鴛鴦之

不如矣

臨川王氏曰鴛鴦能好其匹雄雌相從不失其性也幽王無良不一其德鴛鴦之不如也

○疊山謝氏曰鴛鴦不失其匹偶幽王乃喪其良心  
娶妾廢后有愧於鴛鴦矣衛詩云士也罔極二三其  
德亦刺夫婦之相  
棄背也與此意合

○有扁

步典反

斯石履之卑兮之子之遠俾我疪

都禮反叶喬移

反  
兮

比也扁卑貌俾使疪病也○有扁然而卑之石則履

之者亦卑矣如妾之賤則寵之者亦賤矣

安成劉氏曰夫之有

婦所以相配故寵賤者以配已則已亦賤矣程子嘗  
論娶孀婦而曰娶失節者以配身是已失節亦此章  
之意  
是以之子之遠而俾我疪也

白華八章章四句

慶源輔氏曰一章則言夫婦之

章始言其體尊勢大而反不如小水之尚能溉  
物四章然後自歎其以嫡后之尊而反見卑賤  
其言亦可謂有序矣五章又疑已雖念王而王  
不顧已何哉六章始以驚比褒如而歎王之舉  
措取舍之非宜七章則遂言王之二三其德曾  
不若鴛鴦之有常八章方極其意而謂王不自  
愛重寵嬖賤妾以輕賤其身所以使我憂之而  
成病其言有序而不亂其怨有則而不流即其  
言以觀其人則申后其亦賢矣哉○三山李氏  
曰此詩大抵與綠衣相類彼專以綠衣取譬此  
則多譬喻體雖不同而發明嫡妾之分則一也  
○安成劉氏曰此詩章多而句少八章皆為比  
體一章以一事為喻反覆諷詠以泄其情而猶  
不能絕念於王可謂怨而不怒者矣一詩之中

首以之子稱王斥之也繼稱碩人尊之也繼而稱子親之也繼又稱碩人又稱之子怨者之詞固有不暇整也

餘蠻黃鳥止于丘阿道之云遠我勞如何飲於鵲反之食

音嗣之教之誨之命彼後車謂之載之

比也餘蠻鳥聲阿曲阿也孔氏曰卷阿云有卷者阿知丘阿是丘之曲中也

後車副車也○此微賤勞苦而思有所託者為鳥言以自比也蓋曰餘蠻之黃鳥自言止於丘阿而不能前蓋道遠而勞甚矣當是時也有能飲之食之教之

誨之又命後車以載之者乎

○縣蠻黃鳥止于丘隅豈敢憚行畏不能趨飲之食之  
教之誨之命彼後車謂之載之

比也隅角

朱子曰丘隅  
岑鬱之處

憚畏也趨疾行也

○縣蠻黃鳥止于丘側豈敢憚行畏不能極飲之食之  
教之誨之命彼後車謂之載之

比也側傍極至也國語云齊朝駕則夕極于魯國

縣蠻三章章八句

幡幡

反 早煩

瓠葉采之亨

叶鋪郎反

之君子有酒酌言嘗之

賦也幡幡瓠葉貌○此亦燕飲之詩言幡幡瓠葉采

之亨之至薄也

三山李氏曰瓠葉新生可以為茹

然君子有酒則亦

以是酌而嘗之蓋述主人之謙詞言物雖薄而必與

賓客共之也

○有兔斯首

反 它故

炮

反 白交

之燔

音煩叶汾乾反

之君子有酒酌

言獻

叶虛言反

賦也有兔斯首一兔也猶數魚以尾也毛曰炮加火

曰燔亦薄物也獻獻之於賓也

疊山謝氏曰瓠葉以爲菹不必嘉蔬一免

以爲穀不必異膳先王之燕賓客真德實意而已矣

○有兔斯首燔之炙

音隻叶陟畧反

之君子有酒酌言酢

木洛反

之

賦也炕

音抗

火曰炙謂以物貫之而舉於火上以炙之

酢報也賓既卒爵而酌主人也

○有兔斯首燔之炮

叶蒲侯反

之君子有酒酌言醕

市周反

之

賦也醕導飲也

朱子曰主人酌以獻賓曰獻賓酢主人主人又自飲而復飲賓曰醕其主



人又自飲者是導賓使飲也但賓受之却不飲奠於席前○新安胡氏曰主人既飲酢爵欲以醕賓又酌而先自飲以導之然後復酌而進於賓故謂之醕

瓠葉四章章四句

定字陳氏曰燕飲之禮在誠不在物此聊舉一二以見其微薄

謙詞耳燕飲之詩有盛言其豐者魚麗是也有謙言其薄者此詩是也

漸漸

竝土銜反下同

之石維其高矣山川悠遠維其勞矣武人

東征不遑朝

叶直高反

矣

賦也漸漸高峻之貌武人將帥也遑暇也言無朝旦之暇也○將帥出征經歷險遠不堪勞苦而作此詩

也

廬陵歐陽氏曰漸漸高石悠遠山川序其所經歷險阻遠道之勞耳

○漸漸之石維其卒

在律反

矣山川悠遠曷其沒

叶莫筆反

矣

武人東征不遑出矣

賦也卒崔嵬也謂山巔之末也曷何沒盡也言所登

歷何時而可盡也不遑出謂但知深入不暇謀出也

○有豕白蹢

音的

烝涉波矣月離于畢俾滂

普郎反

沱

徒何反

矣武人東征不遑他

湯河反

矣

賦也蹢蹄烝衆也離月所宿也畢星名豕涉波月離

畢將雨之驗也

埤雅曰馬喜風豕喜雨故天將雨則豕進涉水波也○朱子曰畢是澍魚

底又網澍魚則其汁水淋漓而下若雨然畢星名義蓋取此今畢星上有一柄下開兩叉形亦類畢故月宿之則雨○新安胡氏曰畢星好雨月水之精離畢而雨星象相感如此○張子曰豕之

負塗曳泥其常性也今其足皆白衆與涉波而去水

患之多可知矣此言久役又逢大雨甚勞苦而不暇

及他事也

廬陵歐陽氏曰履險遇雨征行所尤苦故以為言

漸漸之石三章章六句

慶源輔氏曰不遑朝矣猶可言也至於不遑出不遑

他則其情危而可哀甚矣方采薇出車之詩作時豈容有此事哉世之治也固未嘗有征伐之

詩也然行者之勞未嘗自言而上之人則汲汲然以言其勞之可念世之亂也上之人未嘗念其勞而言之也而行者則自言其勞苦而不置焉夫使勞者自言而上之人不加恤焉則烏在其為民之父母也

茗

音條

之華

音花

芸

音云

其黃矣心之憂矣維其傷矣

比也茗陵茗也本草云即今之紫葳蔓生附於喬木之上其華黃赤色亦名凌霄

本草注曰紫葳一名陵茗蔓生依大木歲久延

引至巔有花其花夏乃盛○安成劉氏曰芸者黃之盛也

○詩人自以身逢周室

之衰如茗附物而生雖榮不久故以為比而自言其

心之憂傷也

○苕之華其葉青青

子零反

知我如此不如無生

叶桑經反

比也青青盛貌然亦何能久哉

○牂

子桑反

羊墳

扶云反

首三星在留

音柳

人可以食鮮

息淺反

可以飽

叶補苟反

賦也牂羊牝羊也墳大也羊瘠則首大也

莆田鄭氏曰牝羊本

首小今也羸瘠反首大而身小

留筍也留中無魚而水靜但見三星

之光而已○言饑饉之餘百物彫耗如此苟且得食

足矣豈可望其飽哉

荅之華三章章四句

陳氏曰此詩其詞簡其情哀周室將亡不可救  
矣詩人傷之而已

何草不黃何日不行

叶戶郎反

何人不將經營四方

興也草衰則黃將亦行也○周室將亡征役不息行  
者苦之故作此詩言何草而不黃何日而不行何人  
而不將以經營於四方也哉

○何草不玄

叶胡均反

何人不矜

古頑反韓詩作鰥叶居陵反

哀我征夫

獨為匪民

興也玄赤黑色也既黃而玄也無妻曰矜言從役過

時而不得歸失其室家之樂也哀我征夫豈獨為非

民哉

疊山謝氏曰東山采薇出車杖杜諸詩序情閔勞皆以室家之望者為說同為天民血氣嗜欲

豈有異哉先王以民待民幽王之待民如犬馬耳故曰哀我征夫獨為匪民

○匪兕

徐履反

匪虎率彼曠野

叶上與反

哀我征夫朝夕不暇

叶後反

賦也率循曠空也○言征夫非兕非虎何為使之循曠野而朝夕不得閒暇也

○有芄薄工反者狐與車叶率彼幽草有棧士板反之車行彼

周道

興也芄尾長貌棧車役車也周道大道也言不得休息也

何草不黃四章章四句


慶源輔氏曰芄之華言國

民不聊其生天運窮矣何草不黃言士民役使之繁數征行之勞苦上之人視之與禽獸無異



人事極矣周室至是無可為矣  
此黍離之所以降為國風也

都人士之什十篇四十三章二百句



詩傳大全卷十五